

全  
唐  
詩

全

唐

詩

全唐詩

顏真卿

顏真卿字清臣京兆長安人博學工辭章事親孝開元  
中舉進士又擢制科調醴泉尉累遷殿中侍御史忤宰  
相楊國忠出爲平原太守安祿山反河朔盡陷獨平原  
城守具備使司兵參軍李平馳奏明皇大喜即拜戶部  
侍郎肅宗即位靈武真卿數遣使以蠟丸裹書陳事拜  
工部尚書兼御史大夫爲河北招討採訪處置使至德  
二年朝于鳳翔授憲部尚書遷御史大夫軍國之事知  
無不言爲宰相所忌出爲馮翊太守改蒲州刺史御史  
唐旻誣劾貶饒州刺史旋拜浙西節度使召入爲刑部

侍郎李輔國銜之貶蓬州長史代宗立起爲戶部侍郎  
除荆南節度使未行改尚書右丞尋除檢校刑部尚書  
兼御史大夫封魯國公與元載不合貶峽州別駕改吉  
州司馬遷撫湖二州刺史載誅擢刑部尚書進吏部盧  
杞當國益惡之改太子太師李希烈陷汝州杞奏遣真  
卿往諭拘脅累歲不屈而死贈司徒謚文忠真卿立朝  
正色剛而有禮非公言直道不萌於心天下不以姓名  
稱而獨曰魯公善正草書筆力遒婉世寶傳之詩一卷

題杼山癸亭得暮字

亭陸鴻漸所創

杼山多幽絕勝事盈跬步前者雖登攀淹留恨晨暮及  
茲紆勝引曾是美無度歟構三癸亭實爲陸生故高賢

能剗物疏鑿皆有趣不越方丈間居然雲霄遇巍峩倚  
脩岫曠望臨古渡左右苔石攢低昂桂枝蠹山僧狎猿  
狄巢鳥來枳棋俯視何楷臺傍瞻戴顓路遲迴未能下  
夕照明村樹

謝陸處士杼山折青桂花見寄之什

羣子遊杼山山寒桂花白綠萼含素萼采折自適客忽  
枉巖中詩芳香潤金石全高南越蠹豈謝東堂策會慙  
名山期從君恣幽覲

贈裴將軍

大君制六合猛將清九垓戰馬若龍虎騰凌何壯哉將  
軍臨八荒烜赫耀英材劒舞若游雷隨風縈且迴登高

望天山白雲正崔巍入陣破驕虜威名雄震雷一射百  
馬倒再射萬夫開匈奴不敢敵相呼歸去來功成報天  
子可以畫麟臺

贈僧皎然

秋意西山多別峯縈左次繕亭歷三癸趾趾鄰什寺元  
化隱靈蹤始君啓高致誅榛養翹楚鞭草理芳穗俯砌  
披水容逼天掃峰翠境新耳目換物遠風塵異倚石忘  
世情援雲得真意嘉林幸勿剪禪侶欣可庇衛法大臣  
過佐遊羣英萃龍池護清激虎節到深邃徒想嵎頂期  
于今沒遺記

詠陶淵明

張良思報韓龔勝恥事新狙擊不肯就舍生悲縉紳嗚  
呼陶淵明奕葉爲晉臣自以公相後每懷宗國屯題詩  
庚子歲自謂義皇人手持山海經頭戴漉酒巾興逐孤  
雲外心隨還鳥泯

三言擬五雜組二首

五雜組繡與錦往復還興又寢不得已病伏枕  
五雜組甘醎醋往復還烏與兔不得已韶光度

使過瑤臺寺有懷圓寂上人

并序

真卿昔以天寶元年尉醴泉亟過瑤臺寺圓寂上  
人院秩滿遷監察御史巡覆諸陵而上人已去  
此寺大曆十三年春二月以刑部尚書謁拜昭陵

一作離

慨然有懷

上人居此寺不出三十年萬法元無著

一作靈法  
盡無染

一心唯趣

禪忽紆塵外軫遠訪區中

一作世間

緣及爾不復見支提猶岌

一作  
歸然

登平望橋下作

登橋試長望望極與天平際海蒹葭色終朝鳬鴈聲近

山猶

一作全

髣髴遠水忽微明更覽諸公作知高題柱名

刻清遠道士詩因而繼作

不到東西寺于今五十春  
謁來從舊賞林壑宛相親  
吳子多藏日秦王厭勝辰  
劒池穿萬仞盤石坐千人  
金氣騰爲虎琴臺化若神  
登壇仰生一捨宅歎珣珉  
中嶺分

雙樹迴巒絕四鄰窺臨江海接崇飾四時新客有神仙  
者於茲雅麗陳名高清遠峽文聚斗牛津跡異心寧間  
聲同質豈均悠然千載後知我揖光塵

蔡御史右補闕以受安祿山僞署貶杭州司馬上元中

召爲左補闕同封員外郎華稱疾不拜李峴領選江南

以爲是行

勅子東

樂忽涓微波浪與天渾嘈嘈臨臬動好鳥徒窮鱗王吉

慨然有懷

全唐詩  
顏真卿

刻清遠道士詩因而繼作

養同質豈此然然千煒外談非休張壘林壑宛相親  
昔茲茲郵縣刺各高書刻刻文舉中舉中舉以寧間  
雙陸四巒然四巒巒調五巒巒巒調五巒巒巒調五巒

全唐詩

李華

李華字遐叔贊皇人開元中第進士擢宏辭科累官監察御史右補闕以受安祿山僞署貶杭州司戶上元中召爲左補闕司封員外郎華稱疾不拜李峴領選江南表置幕府擢檢校吏部員外郎苦風痺去官客隱山陽勒子弟力農安於窮槁大曆初卒集三十卷今編詩一卷

雜詩六首

黃鍾叩元音律呂更循環邪氣悖正聲鄭衛生其間典樂忽涓微波浪與天渾嘈嘈鴟梟動好鳥徒縣蠻王吉

歸鄉里甘心長閉關

玄黃與丹青五氣之正色聖人端其源上下皆有則齊  
侯好紫衣魏帝婦人飾女奴厭金翠傾海未滿臆何忍  
嚴子陵羊裘死荆棘

甘酸不私人元和運五行生人受其用味正心亦平爪  
牙相踐傷日與性命爭聖人不能絕鑽燧與炮烹嗜慾  
乘此熾百金資一傾正銷神耗衰邪勝體充盈顏子有  
餘樂瓢中寒水清

陰魄淪宇宙太陽假其明臣道不敢專由此見虧盈未  
聞東菑稼一氣嘉穀成上天降寒暑地利乃可生葛藟  
附柔木繁陰蔽曾原風霜摧枝幹不復庇本根女蘿依

松柏然後得長存

孔光尊董賢胡廣慚李固儒風冠天下而乃敗王度絳  
侯與博陸忠朴受遺顧求名不考實文弊反成蠹  
結交得書生書生鈍且直爭權復爭利終不得其力我  
逢縱橫者是我牙與翼相旋如疾風竝命趨紫極奔車  
得停軌風火何相逼仁義豈有常肝膽反爲賊勿嫌書  
生直鈍直深可憶

詠史十一首

昂藏獬豸獸出自太平年亂代乃潛伏縱人爲禍愆嘗  
聞斷馬劒每壯朱雲賢身死名不滅寒風吹暮田精靈  
如有在幽憤滿松煙

漢皇修雅樂乘輿臨太學三老與五更天王親割牲一人調風俗萬國和且平單于驟款塞武庫欲銷兵文物此朝盛君臣何穆清至今墳壇下如有簫韶聲

巢許在嵩穎陶唐不得臣九州尚洗耳一命安能親縣邈數千祀丘中誰隱淪朝遊公卿府夕是山林人蒲帛揚側陋薜蘿爲縉紳九重念入夢三事思降神且設庭中燎寧窺泉下鱗

漢時征百粵楊僕將樓船幕府功未立江湖已騷然島夷非敢亂政暴地仍偏得罪因懷璧防身輒控弦三軍求裂土萬里詎聞天魏關心猶在旗門首已懸如何得良吏一爲制方圓

秦滅漢帝興南山有遺老危冠揖萬乘幸得厭征討當  
君逐鹿時臣等已枯槁寧知市朝變但覺林泉好高臥  
三一作五十年相看成四一作首成皓帝言翁甚善見顧何不早咸  
稱太子仁王義亦尊道側聞驪姬事申生不自保暫出  
商山雲竭來趨灑掃東宮成羽翼楚舞傷懷抱後代無  
其人戾園滿秋草

日照崑崙上

一作山

羽人披羽衣乘龍駕雲霧欲往心無違

此山在西北乃是神仙國靈氣皆自然求之不可得何

爲漢武帝精思

一作意

徧羣山糜費巨萬計宮車終不還蒼

蒼茂陵樹足以戒人間

天生忠與義本以佐雍熙何意李司隸而當昏亂時古

墳襄城野斜徑橫秋陂況不禁樵采茅莎無子遺高標  
尚可仰精爽今何之一忤中常侍銜冤誰見知嘗觀黨  
錮傳撫卷不勝悲

文侯耽鄭衛一聽一忘餐白雪燕姬舞朱弦趙女彈淫  
聲流不返悵蕩日無端獻歲受朝時鳴鐘讌百官兩牀  
陳管磬九奏殊未闌對此唯恐臥更能整衣冠

蜀主相諸葛功高名亦尊驅馳千萬衆怒目瞰中原曹  
伯任公孫國亡身不存社宮久蕪沒白鴈猶飛翻勿言  
君臣合可以濟黎元爲蜀諒不易如曹難復論

六國韓最弱末年尤畏秦鄭生爲韓計且欲疲秦人利  
物可分社原情堪滅身咸陽古城下萬頃稻苗新

沂水春可涉，泮宮映楊葉。  
麗色異人間，珊珊搖珮環。  
展禽恆一作常獨處，深巷生禾黍。  
城上飛海雲，城中暗春雨。  
適來鳴珮者，復是誰家女。  
泥沾珠綴履，雨濕翠毛簪。  
電影開蓮臉，雷聲飛蕙心。  
自言沂水曲，采萍兼采芣。  
歸逕雖可尋，天陰光景促。  
憐君貞且獨，願許君家宿。  
徒勞惜衾枕，了不顧雙蛾。  
豔質誠可重，淫風如禮何。  
周王惑褒姒，城闕成阪陀。

雲母泉詩

并序

洞庭湖西玄石山，俗謂之墨山。  
山南有佛寺，寺倚松嶺下。  
有雲母泉，泉出石，引流分渠，  
周遍庭宇，發如乳，湏末派如淳。  
漿烹茶，浙蒸灌園，漱齒皆用之。